

泊
鷗
山
房
集

泊鷗山房集卷二十一

會稽 陶元藻 冕亭

詩七

寄示兒子廷珍五首

君子貴飭躬學者恥枵腹顧盼毋自雄虛懷視深谷我
惡刻薄兒見之每側目守仁古所臧忠厚乃汝福我厭
鮮實人謾語無收束爾曹性未滿何不返真樸寧從老
蒼遊慎與佻達逐清貧舊家風蕭條西山麓不淹三篋
書奚以邁時俗

時俗尙年少立名須及早異綬十五齡便視鸞坡草先

人貯書樓蟬蠹足搜討秋實古所宜春華今特好甘味
苦所回勇力懦之寶魔過又逢魔道盡方成道而翁骨
相屯老大猶潦倒縱受買臣憐已被甘羅惱此心冷復
溫夏夏還深造

深造何窮期百年幾閒暇歲月去堂堂寸陰買無價汝
有兩幼弟夙慧非驚下吾道或非欺蘭玉疊凋謝悠悠

彼蒼天不怡每終夜

廷璧六歲廷瑗五歲相繼而殤

仔肩在爾躬不賢

安慰藉莫畏冲天鵬須變大黃射莫畏急溜灘須挽青
絲竿二春時又移忽忽近長夏

長夏赫炎官早涼不可失槐陰護書帷薰風開卷帙流

覽晉唐碑揣摩燕許筆臨深勿爲高得半毋自畢感我
枯槁容念汝羸瘵質千億父母心殷憂莫如疾休言血
氣盈饑飽防不密暑氣勿侵膚窺圍莫輕出道路阻且
修煩憂自梳櫛

梳櫛緒偏多故園一回首籬邊未花菊門外垂條柳傳
經願已違名利復何有撐空剩老拳何以養八口進既
寡良謀退復苦株守吾兒未嬌癡曾解時艱否炎涼大
網羅疇能潰圍走當仁不讓師跨竈復誰咎勉旃復勉
旃毋落他人後

贈孫銓曹楚池先生四首

名高江夏式羣英
天半書樓甲乙盈
詞賦每多金石響
嘯歌都作鳳凰聲
鶴頭綾賜宮雲煖
雞舌香含掖露清
炯炯文昌連北斗
玉壺冰裡看持衡

蝸黃蠹碧滿寒瓊
慚媿虛聲久浪傳
運甃齋頭經廿載
種花籬下又三年
來瞻碣石翹材館
拋卻山陰泛雪船
何幸雲中青眼顧
文章竟薦孔融賢

燒尾無緣可柰何
四腮鱸已曝江波
想因毛羽豐猶早
豈是胭脂買未多
宛委無書搜剩字
洞庭春水磔飛梭
支頤閒看西山色
依舊青衫拂薜蘿

新晴積雨蜀葵紅
問字車投小巷東
伏櫪旣逢真相馬

虎臺何恨晚成弓處囊無穎輸毛遂倒屣憐才感蔡邕
流水泠泠廣陵散抱琴還與試松風

憶舊遊一十九首

余家住千巖萬壑中凡晴雨朝昏四十年來深
領其趣貧不能遍遊天下名山大川窮仙釋之
所托搜騷雅之所寄以沐浴性靈而助文章之
氣心竊憾焉閒嘗客江淮所經勝地雖俗氛旁
午亦必乘尺寸之暇命儔侶操樽榼以從今索
米長安役役軟紅塵裡追憶東南林壑轉若海
外神洲曩讀少陵夔州以後五言詩與康樂永

嘉諸什雖風調自殊而狀寫入微俱有吸影傳
香之妙余何敢妄擬前賢顧劈紙驅煙招尋如
昨尊鱸鄉夢詎待秋風世之天機清妙跡與願
違者未必不覽余詩而興感也

采石

然犀事已遙渚失寒沙漲載酒謫仙人高踪復誰抗崖
根石氣青沐浴驚濤壯卸帆落葉邨杖策亂雲嶂蒼茫
夕照閒千里時一望浩浩長風來江豚夜吹浪

九華

停驂五溪上對面立九華崇岡未陟歷攬秀紛交加峯

巒孕萬狀瘦骨鏤丹霞陰陽大闔闢星斗爭盤拏飛泉
射朝旭閃閃奔靈蛇夢參金地藏授以陀羅花

瑯琊

晚步西南峯瑤草良可拾亭畔歐公梅老榦如鐵立邃
谷行人稀淙淙釀泉入陰藤挂狷牢危石停雲怯鐘魚
響空山星河寺樓接木末倚僧窗明鐙照黃葉

齊山

清華水木處樵逕通漁磯賓朋盛冠蓋裘馬皆輕肥羽
觴藉草坐涼吹浮雲飛樊川振風雅達觀世所稀千載
契妙埋昨是今豈非逢人開笑口醉插黃花歸

瞻園

畫舫浮江南秦淮舊遊路追尋良讌時
蘚沒瞻園步紅樓障小山明窗掠寒
鷺略徇溪流通人隨柳花度鬱鬱
青松林猶傳六朝樹辛苦中山王荒墳走狐兔

焦山

閒臨瘞鶴碑恐負名山債漂泊舵樓身
幽秀眼紛挂誰知波浪津夙構煙霞
砦風雨撼朝昏魚龍走靈怪凭闌
一俯江江雲滿衣袂海門知有無混
茫接天界

秦園

疇爭造化巧拓此龍眠莊纍纍土兼
石曲曲闌鉤廊數

武迷向背一陟分低昂新泉瀟歛磴濃樹縈迴塘盤餐
櫻筍美衣袂藤蘿涼故人多契濶嘉會何能忘

虎邱

吳閫一片石傑立形崔巍不見闔廬墓但對生公臺象
教廣神力霸業真塵埃魚腸土花澀金虎精華埋人天
振法鼓靈雨松梢來香筍賣花舫理棹山塘迴

富春

卯金有故交羊裘無今侶未定中興年已卜逃名嶼誰
識巢由心聊同白鷗語陵谷易變遷罔罟或洲渚漁磯
千仞高綸竿修幾許願問嚴先生垂釣在何處

西溪

清絕西溪梅枝柯久紛衍鼓柁溯迴塘寒綠迷幾轉吟
成香滿詩仰見花如霰冷然善風俱鬚眉惹殘片荒鷄
時一鳴村墟望猶眩惜此桃源行秦人未曾面

雲栖

窈窕水家邨參錯蓮公屋飛泉接遠峯數里到幽谷荒
廚絕腥羶采香動盈掬庭柯竄若鼉寺門守馴鹿客從
何方來懸鐙講堂宿四圍雲滃山人語在深竹

理安

昔我遊南山芳逕頗幽絕春深紅藥重峯迴白雲折泉

脈碎紛披空巖灑晴雪飛檐仰縱橫松竹森以列古佛
向枯禪琉璃半明滅拂拭華嚴經苔根坐翻閱

靈隱

丹翠古琳宮崇岡抱左右金杵伏神貌珠旛映高牖宏
開大覺場幽帶羣芳藪僧歸紅雨中鈴語松風後一脈
山門泉長年挾雲走祇有飛來峯恆教白猿守

韜光

煙岫青朦朦幽篁萬千箇颯然風雨來振柁瀟湘過鳥
道石支離躋攀芒屨破聞磬辨松寮右指轉疑左氤氳
焙茶香團蒲老僧坐清淨上方遊山空澗聲大

雁宕

龍湫雙匹練，濺雪洗石華。奇峯一百二，眾剎凌紅霞。草木發真氣，聞香豈在花。我行屈孟夏，沈李兼浮瓜。籃輿映綠縹，徑拂靈巖斜。寄語燒丹者，遊仙宜永嘉。

湘湖

時維春夏交，農事徧田野。河渠桔槔鳴，湖滿波未瀉。捨我烏篷舟，繫我款段馬。行穿桑柘林，飲就雞豚社。尊絲白滿甌，楊梅赤盈把。先生何許人，家住青山下。

蘭亭

紅帘蠹浦口，問津先婁公。山禽衝筏起，溪路緣巖通。但

覺芳氣襲焉覓幽蘭叢苔花繡碑碣虧蔽頽垣東池亭
易舊武千載岡原同青餘永和竹緩授春衣風

鑑湖

三十六源歸滉漾近南郭翼岸良苗新遙林帶村落微
晴種魚天春水生煙薄蟹斲綠舟鳴斜接橫波釣難尋
一曲亭將攬雙清閣亂石閉門高無人摘紅藥

吼山

殘崖鬼斧開骨節饒瘦硬架壑青玲瓏警欬石相應山
影覆魚眠潭光悅禪定清華文簡公詞章發奇勁樹杪
讀書樓山川互輝映繼者復爲誰踟躕緬蘿逕

由紅橋至平山堂四首

酒榭琴亭傍女牆蕪城非復舊風光盈盈數里琉璃水
半映紅闌半綠楊

層樓天半起笙歌面面雕窗瞰碧波若計揚州二分月
紅橋應占一分多

亞字牆圍柳萬條棗花簾北酒旗飄不教尺地清閒過
更建長廊接畫橋

平山堂接古名藍太守遺踪仔細探山色有無何處領
一簾煙雨望江南

送汪賢書赴淮

寄語遊淮客，慙慙盡此杯。回頭隔花鳥，前路卽塵灰。帆
勢窺城入，河聲挾雨來。人閒少滌母，休上釣魚臺。

題德星庵

顧影蕭蕭髮漸稀，何年裘馬得輕肥。徧交湖海真名士，
自號雲山老布衣。一盞吟燈憐客枕，幾聲梅雨打窗扉。
鮑昭空有蕪城賦，不信文章可療饑。

端午

羈旅逢佳節，鷗盟郭外招。賀門芟俗例，競渡見霞標。歸
夢一千里，離人廿四橋。何須長命纜，騎鶴自逍遙。

酒旗和沈學子原韻

淡墨迷離薄霧籠傳來消息舊郵筒會逢山郭江邨口
遙指斜陽細雨中幾度勾留衝雪騎可憐搖曳落花風
年年長板橋頭水映得殘霞一片紅

贈胡西垞二首

郭外清流繞伊人此卜居尋花荒寺側對酒落帆初客
夢揚州月鄉心越絕書祇憐離別近楊柳意躊躇

山海歸吟冊風霜鍊鬢絲一經傳獨早五斗養非遲嶺
表題鸚鵡天南孳荔支蘭亭好竹色放眼共何時

題王少林春江夜渡圖三首

淺淡梅花夜渡閒春風一夜滿江關展開六幅蒲帆影

清照江南雪後山

一葉凌虛萬象空
雪泥鴻爪畫真工
欲參三昧詩人境
只在江聲月色中

憶昔曾維白下船
旗亭爭唱老夫篇
而今重賦澄江練
腸斷秦淮十五年

同李于亭陳星存查香兩孔昭蒼林建隆寺食菟
我非飲食人養生宜潔膳七醢非所貪一具期中選黃
蠶飯豈羞苜蓿盤未慣猪肝累已多牛心炙嘗勸作客
邗江濱每受庖人患烹飪全失宜呵之轉謗訕火傘張
炎天流汗漬衣襟腥羶食更難卯買辰卽變遘此亢旱

時祈雨走官宦市民放屠刀連朝絕芻豢願結清齋緣
於斯乃得閒葷廚作素肴還疑襍真贗那得苦行僧爲
我咄嗟辦清涼建隆寺倏忽招食菟安排折足鐺楮
黃糜爛新鷗喜相逢舊雨亦復面解衣磅礴來大嚼禪
堂譙滑如香芹羹嫩如秋瓜瓣翠如三春蘋一一出南
澗與俗殊酸鹹置腹豈冰炭水梭花不珍鑽籬菜何羨
祇有玉版師臭味分一半愧無書撐腸偏工食下嚙老
饜啖本羸殘牙嘴尤健明明食指兆戛戛朶頤煽狼藉
匕箸間笑殺阿羅漢蔬笋氣固佳從今肉將刻

五月十八日同宮方伯爾勸盧運使見會羅太史

暹春 鞠太史 遜行 周分司 宣猷 王舍人 和馬孝

廉榮祖 暨文學 陳章陳 舉金農 沈大成 惠定宇

王嵩高 嚴長明 方和查 祖香釋 復顯等 六十二

人會於江園觀荷各賦五古一首分得菊字

命酒來林塘禽魚宛在目灼灼紅藕開掩映水邨屋
波萬柄多倚檻一枝獨渾疑玉井邊撲去塵幾斛敦槃
齋良辰作賦盡潘陸各各坐花鬢香隨羽觴逐遙睇平
山堂憑現傍幽谷放棹明玻璃歌吹舵樓簇好風從東
來吹我芰荷服誰爲李營邱畫出雨六幅湖氣清若秋
詩人淡於菊殘虹曳遠洲涼月度深竹重登池上亭鼻

觀更芬馥亂葉影欹斜晴翠出新沐懸鏡麗繁星照花
睡初熟徘徊消夏灣餘情猶徃復何不浮家遊同彼白
鷗宿編成蓮社詩笑對芙蓉讀

六月四日偕于熙載昆季暨吳廣文郭外觀荷賦
截句八首

凌晨盪槳過湖隈麋眼籬門尙未開卻喜花香遮不斷
好風吹上舵樓來

鷓鴣鷓鴣爲誰忙接翅相迎載酒航處處荷花世界好
更無人問柳絲鄉

閱盡湖邊菡萏容平山塘下又相逢幾番領取香深淺

倚徧闌干十二重

催詩頭上黑雲浮
小雨踈踈六月秋
只恐夜來涼簟夢
尋花路錯到杭州

依微虹影水窗銜
雨後花光麗不凡
絕似華清初浴罷
汗珠輕透淡紅衫

卮字闌圍十畝池
江家花織錦參差
封姨切莫輕狼籍
畱待團圓月夜時

飛塵不汚水空明
瓣瓣香重雪洗成
我是如來大弟子
白蓮花畔話三生

夾岸明粧照水湄
願教長滿莫教虧
揚州消得詩人夏

除卻荷花更有誰

三賢祠

吟眺祠堂下煙雲小畫圖殘園辭舊主寒竹接平蕪水
石性俱靜亭臺影不孤漁洋太僥倖何續配歐蘇

天寧寺

曳屐寒壕北天寧古梵宮松杉連野外鐘磬落城中鶴
夢僧廊雨棋聲竹院風重尋舊池館惆悵謝司空

高旻寺

茱萸灣口淨因存蘇剎娑羅老樹根帶雨僧歸黃葉路
放齋鐘度白鷗村秋分河水三义澗雲擁浮圖五級尊

帆影自忙旛影靜人天祇隔一山門

紅橋楊柳枝詞三首

酒幔茶檣郭外招垂楊多處認紅橋揚州幾日春風度
吹綠長條又短條

尚書秋柳最關情可記春前陌上行愛煞畫闌干曲處
幾層煙雨一聲鶯

一絲絲恨與誰論單住飛花照水邨如許風流二三月
不教攀折也銷魂

秋苔同張軼青詰士陳授衣對鷗蔣秋涇閔蓮峯

賦於蟬書樓下

人跡由來少偏經幾度霜穿林圍落葉繞砌覆啼螿碧
與雲俱淡寒隨菊共荒尤憐淒絕處和雨上空牆

題趙文敏所畫采菱圖卽用圖中王汝玉詩韻同
鄭板橋金壽門賦於汪秋白春雨讀書堂

湖邊菱角少湖心菱角多采采中州去緩唱吳儂歌曲
未闌兮日已暮獨樹村前認歸路秋聲落屋月在門一
葉虛舟自橫渡

同授衣蓮峯對鷗鞅青秋涇讌集詰士蟬書樓各
賦寒野五律一首

落木三秋後披裘十月初迴風吹遠燒孤艇釣沈魚鴉

背日光瘦村脰儻影虛蕭條驚歲晏平眺動躊躇

遊洪魏笏園亭

闌干一一玉雕鏤不斷衣香夾徑浮絃索夜催紅燭譙
簾旌風颭碧梧秋屏前釵影暖圍屋水面月華清上樓
周昉亭臺鄭虔樹爲添金粉畫揚州

賦拳毛騮和張漁川

漢唐名馬聲摩空詩林畫苑光熊熊驕驍千里誰控馭
海西侯與唐成公竹批峻耳瞳夾鏡五花徧體雲玲瓏
森張奇骨山屹立噓氣化作秋天虹漁川居士爲余語
家有良馬形神同風塵數載人不識送歸故里蓬蒿中

我聞此語心忽動不覺老泪傾西風九方舉無伯樂逝
驂驅何處非途窮憑君稱德復稱力死生可托真英雄
識路偏教步難展長吟其奈人多蠶一日須餐粟一石
今持斗豆思牢籠深秋病餓氣凋喪奴隸猶向人矜功
爲驥爲騏勿懊惱何不雲霄托身早昨朝陌上過驪黃
幾輩逢迎意傾倒槽頭致粟一千鍾猶恐遠來食不飽
大宛之種依塵埃可憐神駿亦駑駘雲霄一跌垂頭來
駑駘神駿同酸哀

同劉印于侍講宮怡雲方伯金六乾太守遊吳布

履觀察錦春園

清晨放扁舟初旭生海嶠煙豁菜莢灣芳圃得詩料穿
渠聚寒流疊石露青峭秋花踈亦佳複逕悞亦好藤橋
接坡陀蘿洞瞰窅窅曲房神所依傑閣目可眺印壑摩
眞容結構避俗貌增華自

宸遊滙秀本天造吮無倪寬勁路有橐駝掃

御爐香未遙龍旗影猶耀叢桂列庭除修篁蔭溪隩落
落松橫雲策策魚在罩樹底布棋枰磯頭置茶銚初成
輞川吟還想任公釣出門重徘徊臨流轉嘯傲殘霞遠
峯沈微月前邨導孤螢坐人衣暗露滴余帽野火搖如
星墟大吠若豹流連葭茨洲屏絕笙竽調觴政夜更嚴

談鋒醉彌妙，冥搜愜素心。嘉會勝孤蹈，突兀見蕪城。寒潮送歸棹，回首錦春園。煙霞夢繚繞。

查宣門招遊吳漢延園亭觀秋色

夕陽明滅煙光鋪，小舟荻荻穿菰蒲。吳園秋色稱第一，點染不使川原枯。寒叢三兩踈，復密雕闌綺石相持扶。根株雖乏尋丈勢，照耀豈與霜楓殊。初疑水上赤霞起，還驚籬畔紅裙趨。秋來詩句易蕭索，得此作賦清而腴。憶昔春遊理安寺，杜鵑花徧南山隅。九輪光燭雲霧下，玻璃泉映紅氍毹。今逢七月如三月，醉拭老眼心模糊。新鷗舊雨盡相得，手提蠻榼兼風爐。人生行樂貴清興。

何必歌舞羅笙等半村半郭殊可愜枕流枕石良非迂
樽前相對爛熳色忘卻秋氣生髭鬚

贈汪末堂

莫嘆貧如水書生命應然骨因無諂在文以送窮傳老
屋三閒蠹斜陽一樹蟬山閒家學好著述自年年

題孫正朋龍眠山莊歸隱圖

久客將何爲山中有幽趣曾挾白雲來莫惹紅塵去妻
子相提攜健僕導前路一肩新著書兩擔倦遊具籬落
淺閒深樹林今襍古秋色落峯峯泉聲隨步步屋後笋
足餐門前魚可捕圖畫所未窮補寫在詩句詩外境更

佳居人自能遇

出郭看菊和鄭板橋原韻

夾岸紅闌照白蘋
鯉魚風起水鱗鱗
幾行衰柳寒塘上
踈瘦秋光冷澹人

寄家兄菊坡

沅芷湘蘭遠莫貽
弟兄重面在何期
那堪種種無多髮
不是窮愁卽別離

夏旱行

火雲兇律奇峯多
炎官赫赫驕羲和
紫貝匿形天鼓絕
凝龍睡熟滇渤窩
願登崑崙高山山
絕頂大聲疾呼招

孟婆吹我端州硯中滴水上天去化作普天靈雨沾滂
沱炎蒸三伏人病暍老農吻燥吁無禾江心日午水如
沸燻魚魚鼈龜鼃鼃跣跣百鳥恐快怨喬木稀蟠
蘿郊原觸處炙手熱牛羊息喘陰山阿螻蟻蚯蚓復何
罪皮焦筋爛刑同科偏憎蚊蚋熱不死側肩潛入帷帳
羅嚼膚深夜若芒刺長喙利口誰爲磨昔我朔方客長
夏大冰常載幾駱駝虛堂移置寒氣偪恍疑颯颯涼風
過南邦無此物何者蠲煩苛銅盤瑞露足解渴那能仙
去脫曰窠終朝抱火積薪坐六丁含毒煦且摩淋漓汗
汁不可止迸裂毛孔決濁河雖有浮瓜沈李聊潤肺不

若天台石梁瀑布之下常娑娑揚州官吏肅祈禱黃冠
道士鬢則暗清晨齋祓掃壇宇步罡踏斗剖白鵝喃喃
作呪雲不黑羣巫撞鐘鐘還吹螺李靖持瓶少神駿魯陽
揮日輪金戈吾其病熱焉足惜溝塍無水將如何溝塍
無水將如何君不見周詩雲漢傳非訛

東戴遂堂

河分九派清且渾軒波細浪東南奔源頭直溯幾萬里
積石以上求崑崙學詩不從漢魏入如禹疏導忘龍門
我嘗舉古告流輩疑勸木偶加饗殮搖首喜作鸚鵡舞
那知溟渤翔鵬鷗深憂法乳竟茫昧周彝商鼎同誰捫

先生安道之子孫名齊三老遼東尊眉山骨冷石閭死
子然碩果形猶存蕪城與語訂交晚以膠投漆何細縕
索余詩觀發狂叫手招曹劉下九閭謂詞壇有鐵拄杖
與爾鼎力撐乾坤先生亦啓白藤笈須臾捧出扶桑暎
蒼蒼莽莽巨手筆瀟湘呼吸雲夢吞斑斕古色眞法物
石鼓滌盡塵沙痕作者良難識者少願君珍重崑岡琨
詎曰儒生互標榜歲深攻苦見本根涼秋九月木葉脫
吾將訪戴來江村五日之遊十日飲此中微妙將重論
遊甘露寺和鄭板橋原韻

鐵甕城邊寺高雲佛髻梳江光浮北固樹色接南徐古

井垂蘿下寒鐘落照餘珠旛飄忽處重問六朝書

方宜田宮保以董孚存少宗伯所畫貯蘭圖索題
因有此寄

清渠繞屋竹氣涼
條然風味來林塘
高梧落落月露洗
淨綠卻照鬚眉蒼
昔人種槐符種德
盤根茂碩厥後昌
夔龍跡顯素心在
還從九畹移芬芳
隱囊紗帽興不淺
頓教幽谷呈虛堂
黃磁綺石列左右
小溪奴荷鴟鋤香
生階欲倚碧玉樹
紉佩豈映芙蓉裳
富春妙手真解事
此情蘊藉傳毫芒
清華水木滿尺幅
邱壑那數平泉莊
頌公勲高祝公壽
寧馨天錫徵家祥

聞王杜洲計賦以弔之

鄉譽何重輕特立思矯矯勺血成一文安能不速槁魂
兮尚歸來欲死勿草草嗟君鮮弟兄雙親已垂老所遺
黃口兒呱呱正在抱丁壯不自持弱穉誰可保寡妻眞
酸辛與余乃中表家貧釵飾稀荆布僅完好今作未亡
人無田腹焉飽聞君讀書處有狐狂且狡月黑鐙無光
驚人露指爪我嘗爲私憂恐是不祥兆乃知西河妖果
屬長沙烏君年二十餘有志在搜討就余學詩文與語
輒了了卓然不羈才苦爲俗情擾欲作舉業雄所見竊
自小以此殞其躬雲路仍杳杳昨聞夏菡園客死長安

道老淚流未乾那堪君復天舊雨幾知心凋零疾於掃
人非金石堅誰能長壽考魂兮不歸來泉下毋懊惱

過鄭板橋寓齋索句偶成

蕭蕭竹色映疎簾沈水香清手自添誰道粥魚茶板外
有人閉戶讀楞嚴

金山曉望

裁舸巨扁發朝楫欲上未上扶桑日羲鼓玻璃入海門
金光四射魚眼赤霞光五重盪心魄曉堂出龍雲不黑
題宮怡雲方伯七栢圖

九九者栢新甫之側厥材孔良不扶而直彼君子兮克

彰令德既培其根復貞其質用砥礪乎前修俾鄰閭爾
式 聿梁與棟大木是瞻綱紀四國所寶惟賢

帝命方伯迺甸迺宣迺作屏翰于滇之南施膏雨於爨
焚民罔有不怙 孤翠之條難衛其足豁達之懷易踈
節目或擠或培潛噓爾毒我

皇聖仁恩優且渥日釋其來歸荷如天之福 篤生嘉
樹旣碩旣喬映帶水石蔚然後凋皤皤黃髮永夕永朝
賦詩見志羞彼蘭苕爰叩須乎我友從邗上乎逍遙
不挺何奇不繁何厚七栢千尋榦榮枝茂天錫純嘏永
昌厥後服官匪遙神海之口謂有子克家以介茲眉壽

懷廷珍隨何明之別駕赴興化

向平婚嫁最難忘，屈指何時到海疆。
有母倚閭情更摯，無衣衝雪路偏長。
行逢蹇命多歧悞，事隔他鄉易渺茫。
只恐汝歸吾又出，離懷催得鬢成霜。

弔王大山

儒冠日傾頹，吉士天靳福。
江流不復西，世事如轉燭。
堂堂復堂堂，墨汁灑萬幅。
能爲大孽窠，蛟騰虎隤伏。
有時作蠅頭，娟秀合伸縮。
摩挲晉唐碑，真氣貫胃腹。
地脈搜冥茫，岡重而嶺復。
星雲兩迴旋，險與飛隸逐。
乞靈到楊劉，心醉神肅穆。
屐齒腐蒼山，白骨無歸宿。
伊人古襟期。

臭味淡於菊高談驚輩流情性見真樸青鐙閃荒齋茶
沸在深竹逾月踈招尋人琴絕空谷竊恐須臾閒階蘚
生觀木心朋苦無多凋謝一何促君死我能誅我死少
君哭日瘦天無光徘徊習池曲悲風吹我心老淚滴寒
綠

祀竈

當年五祀惟大夫後人竊笑前人迂黃羊致富誠妄誕
歲終報享誰云誣蒼蒼夜色照門巷頌罄祝嘏羣巫趨
不因人熱存本性何妨冷比梁鴻居未能免俗聊爾爾
全家羅拜紅氍毹送神去兮雲模糊紫官負弩爲前驅

靈旂閃閃揚九衢卿忌執手心脚躡窈窕六女歌驪駒
天門詆蕩凌太虛迎神至今歲則除村村戶換新桃符
大儺執盾鬼黨輸醉司命樂神恬愉燭花紅綻輝盤盂
圍爐飲福飛金觚

泊鷗山房集卷二十二

會稽 陶元藻 鳧亭

詩八

遠遊

欲住難爲養春風又別離何堪白頭母相送遠遊兒嶺
嶠長征日門閭獨倚時情縈衣線密歸計莫遲遲

死珍廷瓚廷玠送余至河干因留示二首

老去田園滋味甘輕舠無柰放春潭出門總是離人况
漫計江南近嶺南

幾度馳驅客路塵臨行骨肉共霑巾而今邊末封胡在

痛失當年詠絮人

謂亡女
韞素也

富陽江

澗水奔猶急潮聲怒未降映洲紅藥幾帶兩白鷗雙亂
石爭迴棹孤城卓大江畫開黃子久流盼倚篷窗

黃子
久常

居富陽有
富春山圖

由桐廬放舟至七里灘

煖翠浮嵐放棹天雙柑合置酒樽邊春山不住黃鸝語
聽到嚴灘十九泉

泊釣臺下

噴水荒臺石懸鉦獨客舟江山如舊識衰病異前遊人

語空巖答春星淺瀨流鄉關知未遠風帽幾回頭

烏石灘

蕭瑟人煙少蒙茸草樹幽羣峯爭落日急瀨噪行舟晚
靄渾疑曉春寒酷似秋前邨何處宿笑問水邊鷗

過蘭溪

白沙翠竹滿汀洲煙抹蘭溪舊酒樓一片淒迷夕陽渡
旅人西去水東流

龍游

鼓枻三春漲辭家七日程酒旗兼樹色水碓入灘聲纜
向懸巖轉帆隨落日行舵樓殘醉在閒湫晚江清

泛彭蠡

湖波挾春雨一夜失陂塘
疆啓秦封舊功垂禹貢長康
郎浮遠澈陽鳥集危檣
彌漢玻璃影扁舟入渺茫

南昌遇查孔昭貽贈二律

水邨菰米熟酒社接離斜
山氣歸青眼江光上碧紗
閒

聽蓼州雨

孔昭宅在蓼州

重話廣陵花彈指前遊日
春風感歲

華

落拓功名事飄蕭鬢髮時
篋惟殘蠹在心有故人知蠹
展圍松影羊裘拂釣絲
薄田何日買同賦曰歸詩

滕王閣

灌嬰城外水滌洄高閣依然劫未灰
巖嶺有誰吟夜月
梁園無客醉平臺何當畫棟珠簾下
不盡風帆浪漿來
千古增華藉詞賦教人彌重子安才

過峽江縣

汀草離離接江樓歷歷橫風簾花信度
麥隴雉媒鳴春
水全浮樹青山半入城舵樓人晚飯
渾似剡中行

由峽江散步至蘇奇村

頗愛雲根秀彌憐屐齒輕閒花浮澗出
獨鳥導人行不
斷松杉影時聞鐘磬聲回看江上郭
幾點暮煙橫

過十八灘

曾經巴峽險今涉豫章幽水勢縱橫走山根斷續浮長
川無靜夜斷纜有驚舟誰刻鼉鼉窟江平萬里流

自大里至羊塘舟中偶書所見

羣岳張脅川貫曾練光潑綠偏玲瓏遙聞澗響在天半
玉龍倒挂前山峯松根將斷杉影接蒼翠圍卻青芙蓉
鳴禽上下人不見中有小徑雲常封沙頭奔石狀醜惡
羆熊噉水行舟逢懸帆風利不得泊倏忽數里煙霞重
夕陽欲落猶未落隔林飛度曼陀鐘

大庾嶺二首

翠磴盤空轉高峯接上台天低驚石裂路絕笑雲開浪

檝雙江盡

謂章江貢江也

人煙百粵來桓桓丞相業豈獨伐山

才

薰風吹大庾仙掌擘靈區不藉攀蘿上空懷杖錫趨雲
中出梵唄樹杪度籃輿爲問曹溪路猶存六祖無

前題二首

定粵英雄何處尋弓刀曾度白雲深行人忘卻臺侯姓
錯認梅花直到今

春到天南已十分不勞花氣自細繡英州司馬真多事
依舊無枝拂嶺雲

韶州雨霽

推篷山色近雙眼望眞僂過雨綠遙樹夕陽紅半帆鷓
鴒小艇出蟬螻遠天銜頓覺春寒減臨風試袷衫

詔石

夾岸星羅詭譎形誰驅煙色補山經煉餘媧竈全成赤
鞭剩秦橋未了青荒裔陰陽開萬象大江風雨走羣靈
天邊幾奏虞絃響錯認寶雲到幔亭

彈子磯

高稜刺青天根腳拄水府盤渦潛毒蛟昏黑神所怒迴
波拒行舟篙者力如虎懸崖側欲頽毛髮時一豎妖星
兆漢年刃血赭南土彈射峯巒穿山靈亦遭侮茫茫大

古雲流石氣成雨峭壁羅青紅妙繪色惟五凌濤駕飛
梁欲陟絕步武松風餞孤舟交影日卓午

英德峽

山色何青蒼一水通百粵幽巖去復迴中有帆出沒幾
片無心雲時來渡頭歇鱗鱗波有容齒齒石多骨回頭
歸路迷前望更突兀旨哉古川原紅塵豈能越惜無郭
橐駝種此煙霞窟

觀音巖

峭壁橫江上香臺接釣磯潭光融佛性石氣潤僧衣古
木扶巖起神鴉繞艇飛渾疑海南路頂禮瓣香歸

大廟峽

天險何曾禹貢陳
白波江上起嶙峋
花垂孤石春迎棹
珮響空山夜降神
玉馬驚迴猿洞火
寒潮拍盡女牆塵
帆飛三峽行纔半
還傍香爐一問津

清遠峽

瘦骨青支水高稜
翠束天峯標中宿
勝脈與大羅連香
雨花飛渡煙屏石
倚船斷雲衝過棹
深樹隔鳴泉漁舍
樵偏宿仙經釋
共證清猿聲不住
夢繞玉環邊

粵秀山懷古

芙蓉攢翠臨城濠
崢嶸分戴蓬萊鬣
懿天南靈淑巖
壑韜

萬家煙火紛周遭，邯鄲遺胄入百粵。旌旗影掣蠻雲高，
牢籠嶺梅稱大長。拓地千里權能操，文身剪髮昧冠冕。
天顏漢錦青葡萄，椎牛傾酪修禊事。山花紅雨霑宮袍，
文犀翠羽飾殿闕。層樓歌吹揚雲璈，諸酋羅拜忘漢大。
英姿顧盼真人豪，漢文一詔氣自奪。大夫何足稱賢勞，
帝號自尊還自貶。明珠職貢兼齒毛，報書流傳言語妙。
當年誰捉英雄刀，澳與天藏負固勢。樓船四下空嗷嘈，
髡徒熏豕尤憤罔。林巒轉恨塗腥臊，臺明朝漢立百尺。
臣佗明哲洵可裒，浮嵐滿眼石色古。松風謾謾生秋濤。

六榕寺

玉局畱題在山門駐馬看庭空幢影瘦殿古佛眉殘偶
語僧歸院兼聲葉到欄蕭梁昔年月依舊照林端

旅興十四韻

嶺表通遊屐天南卸旅帆搜靈五羊石挹翠二禺巖潮
湧珠江白文摩鐵堦賦蜚人舟泛泛鬼子語喃喃番米
紅鸚啄蠻花紫燕銜香深風襍瘴夏淺暑催衫煙靄榕
生暈盤餐荔解饒來觀驅鱷吏笑負斲苓饒客夢迴殘
地鄉書滯遠函庭流天月濕簾捲海雲鹹七椀茶經熟
三升酒政嚴說詩期要妙譚理闢塵凡官舍清於水吟
朋勇似麤商量千古事舊帙訂重笈

陽江縣署有木棉一本南宋時所植爲大風所拔
豈乏增新何由得故用是感歎賦成七古一篇
得炮字

百尋鐵立西園坳仰睇濃黛橫煙梢孕含日月體勢壯
蒼皮堅老纏青鮫虬欲撼那可動蟠根厚土忘肥磽
涼颼披拂密雨集空中響奏笙竽匏盤枝隱有蜃氣結
勁幹時見爰若巢將軍大樹何足詫孔明廟栢徒嚶嚶
花攢蕊擁明似火燄騰霄漢天驚炮虜鴻未遇匠石顧
偃蹇反被桃李嘲相傳此是南宋物千載閱盡元黃交
宰官遞嬗各愛惜儼如賜履兼分茅德壽官頽六陵劫

冬青梅石同荒拋天畱嘉樹幾培植乾坤闔闢珍符苞
六丁雷電忽夜入飛廉磨刃截黑蛟熊羆僵臥虺虎死
又如大將摧旗旃殷紅花濺霞片碎兒童卻走聲喧叟
百年世事有隆替剝復荒遠回秦嶺盛衰默握造化券
剝膚形繪羲文爰我將用汝作舟楫慎勿輕棄南蠻郊
感時撫事起三歎賦成枯樹重推敲

梁瑤峯觀察誦芬書屋落成偶題二首

數弓隙地葺煙霞竹木交橫石几斜朋社半逢江左士
俸錢都買海南花移來善本書三篋駐得新菊酒一車
如此風光自磨洗不勞絲管趁繁華

室堪容膝且徜徉靜裏琴尊歲月長館字聽鷓連舊第
欄成鬪鴨映迴廊蠻奴選石支茶鼎海燕銜花落印床
好倩虎頭傳畫稿他年添入午橋莊

海珠寺

貝及三車演香臺五代存晚鴉兼嶺色初日帶潮痕春
水斜纏屋漁船直到門徘徊海珠石重憶讀書魂

漂泊

賣文三十載漂泊到而今故國驚長路名山惜寸陰候
蟲心獨警涼雨夢俱沈誰擅京房學前途叩卜林

移居

蠹簡舊良儔相隨靜處投月窗人坐水風院竹邀秋得
樹境方古解吟心獨幽還思蠹牆北添置看山樓

夢亡女韞素

初我赴京華征衣汝紉補今我投嶺南汝骨委黃土不
見挂帆行安知駐車處幻境來神魂髣髴聞絮語徘徊
晷影移繞膝慰羈旅幽明隔逾年何由忽見汝見汝轉
蒼茫撫膺動酸楚

陳人積邱壠骨月誰能忘弱齡敦女職餘輝照縹緲零
牋墨痕變書幌塵飛颺所遭匪異疾胡爲遽淪亡垂死
猶在眼帷鐙耿微光豈曰無淺芥不肖令汝嘗庸醫竟

殁人千載心悲傷

殘雪兼淒風殞汝南園側桐棺漆未堅蟲蟻莫輕嚙蔓
草滋縱橫寒林起蕭摵昔爲掌上珠今爲牆下礫一日
三至園老淚乾復濕關河遠相望夢警彌惻惻女死有
我悲我死無女泣撫養終不成何如早天折

江流遠逾澗山勢阻且修哀哉省親女千里乘雲遊魂
來起新痛魂去增離愁何時抵鄉國獨過林塘幽白月
照鬼屋荒迷認遺骸嶺海神可接家庭氣應周舊繡重
檢閱微吟上南樓夢言慰汝母加餐勿我憂

南澳

地軸閩連粵星躔女協牛洪波迴砥柱疊嶂扼咽喉雲
黑山根鬪風腥海氣浮掀林熬動水漲霧蚤噓樓險截
龍鼉走虛涵日月流九歸神範鑄五嶼鬼雕鏤徹夜濤
轟鼓彌天石舞虬堯封遺仄襄禹跡漏荒陬榛莽無人
界鴻濛太古秋輿從南宋抉靈自益王搜六尺思存趙
三分媿據劉霓旌歸大海雉扇落中洲銀鴈厓門汨銅
駝棘戶留將軍無檠戟丞相有松楸勝國經綸遠良臣
孽畫優排雲䟽沃土藝穀服先疇屋聚魚鱗細溪分燕
尾修人煙生古樹市火照閒鷗島寇揚帆至倭夷跋浪
遊因貪負嶮勢遂躐跳梁謀狐鼠憑依固鯨鯢鼓盪尤

烽銷副使續穴掃總戎猷耕釣人仍逸蠶桑業更稠

天朝宏樂利

聖世重懷柔重譯趨文物遐方拱冕旒輸琛來呂宋輦
費乞琉球臺厦鯨波起雲青蟻垤憂雄礁增壁壘孤嶼
匪貔貅刀斗威森夜兜鍪勇挾輶孔明揮白羽羊祜擁
輕裘燕麥城兼野虹梁壑際邱木蘭窈月桂山乳襍番
櫛花蕩魚俘獺荆坑果餒猴赤鬃波潑刺白面柵啁啾
渚菜名龜腳沙螻字虎頭蚬奔風偃草紗怒氣吞舟奮
鋪蚶田鑑裙釵蛋戶謳珠旛迷紫竹香唄繞紅兜競渡
船龍矯迎神社鼓道桃源原近水蓬島豈容騶我厭風

塵久舟逢木石幽，祇宜攜蠟屐。詎用裹乾餒，薄夜山翁
餉團焦。旅筴投酒旗，桑巷出魚網。角邨糾詩就，弓衣織
文成。水怪求巢枝，同越鳥看月。想吳釣高枕，鮫宮穩安

淵

帝澤周二澎，圍畫障四澳。固金甌，勝到河源上。乘槎博
望侯。

陸丞相墓二十韻

玉步天移鬪洛年，黃扉上相領中權。蒼苔翁仲今排列，
寶玦延秋舊播遷。孱弱冲人求砥柱，倉皇飛電走樓船。
羽林擊水雙龍夾，漲海橫戈八陣連。禦敵樞機參密幄，

追奔虢虎控鳴紆朝周玉馬雷驚鬯辭漢銅人淚迸泉
九鼎那能懸一髮中原况復竭三川豈云螳臂難當轍
詎見媧爐善補天食粟尙存殷土幾攀髯直到鼎湖偏
忍驅妻子洪濤裏空望門閭古澳前心與沈灰畱紫泚
身隨殘日墮虞淵秦庭竟少人援後曹社爭哀鬼議先
流恨自填精衛石懷沙永締汨羅緣事非盤錯忠難見
人到流離骨倍堅敗將弓刀舟十六故宮禾黍路三千
纔深頽浪迷魚腹風捲靈衣作墓田賫志長悲天板蕩
騎鯨猶奉主周旋紅螺水拍殘燐路青徑松圍疊嶂煙
華表空山無語鶴棠棊寒食有啼鵲篝鐙重讀南朝史

和陸直學集卷三十一
淚灑西風到海邊

辭郎洲歌

楊花飛作汀洲絮，手紉征袍送郎去。送郎計日望郎來，
凱歌隨得君王回。國事無成郎必死，郎若生歸妾亦恥。
水岸鴛鴦豈獨生，爲郎先翦招魂紙。將軍蹈刃君亦亡，
雲枯龍泣天爲傷。洲前赤水流泱泱，漁人絕跡樵走藏。
金椀誰人葬，璧娘紅螺山畔香。魂繞碧海青天夜夜長。

南來二首

風土南來異，庭花薦又新。蠓田喧水夜，柳酒報三春。有
日閒消古，無錢恥說貧。虞翻鏡火宅，應與客星鄰。

書隔雲中鴈人同水上鷗傳經心汗漫捧檄事沈浮密
詠時忘暑羈眠不要秋若非緣負米肯作海天遊

喜雨十六韻

焚巫驅魃念鋤犁呼籲天門尺五低伐鼓四巡排鬱律
投壺一笑破陰迷青鬢碎滴神漿器丹嶂高翻石燕棲
擁到雲車匡阜北媵來龍女洞庭西煙生簑笠穿村樹
岸走魚蝦趨馬蹄連陌春回青穉極重溝風皺碧玻璃
不須漢相憐牛喘方信毛詩卜鶴啼打葉聲中巾共墊
濯枝影裏醴紛攜天南有享成秋報嶺表何人病夏畦
沃徧扶桑炎草木融成禹貢舊塗泥鑑于流雨三農足

粒我蒸民百穀齊戲架浮梁通過蟻罷聽高樹出鳴雞
誰家漂麥人猶讀何處拋珠賦有題遠岫翠勻新婦黛
層城紅貫半天霓巡檐勝對迎涼草卷幔疑陳辟暑犀
明日占年五羊石坐看洗馬老髯奚

題林用郊深林長嘯圖

八閩重見林君復不種疎梅種深竹秋光滿眼月在天
一脈清泉繞山足平沙鴈落古焦桐更學孫登叫空谷
江南畫師工揣摩煙雲手驅到尺幅鸞鳳清響繪不成
祇見鬚眉照寒綠余非隱者有隱心雲岬松磴多登臨
平生着破幾兩屐贏得數篋秋蛩吟廣陵古調成獨賞

時時一撫無絃琴披此圖畫忽感發如遊山水聞清音
林君篆隸今特妙寶硯名牋色相照岐陽獵碣响巉碑
剖析毫芒領其要日來閉戶作書忙不遣青鞵覓詩料
深林雲壁氣潭潭爲問何時復長嘯

六祖髮塔

疊石恆河沙玉函瘞幽壙辦香頂禮處煙雲作供養曾
聞清淨根所參無我相無相自無髮一切惟身量卓哉
選佛場宗風啓元暢一絲已不挂萬垢寧復障因滅色
皆空空色有非妄放卻大圓光四照諸天上

大忠祠

松栢青蟠古屋陰風吹畫壁氣蕭森勤王莫展回天力
誓死同堅報國心碧血魂歸巖瘴濕黃龍旗偃海雲深
寒鴉飛過厓門路一片斜陽自古今

截句十二首倣東粵摸魚歌體

養成八繭蠶織作五絲緞中有彩鴛鴦雙飛與君看
羅浮離復合郎別何時還採桑陌上過不看羅浮山

阿孀

音乃母也

能拔魚阿爸

音波父也

工射鴨朝上彈子磯暮下

貞陽峽

團團百花餅徹來供佛盤小畱表大食大畱娘大餐

粵人

稱凡曰表稱母曰孀亦曰娘稱來曰大

就淺復就深，惟恐蛟龍怒。但知產珠多，那知採珠苦。
雲鬢插風蘭，提壺踏春去。要澆雙燕窩，勿祭花田路。

得得果下馬，行行到誰家。儂家門不識，一樹扶桑花。吳人

自稱曰儂人亦稱儂

郎今有眉意，儂豈冒眉心。粵語無日冒載郎江上去，荷花深

復深。

七夕天宇涼，銀河淨波浪。同結素馨鍙，挂入芙蓉帳。
莫道海波鹹，海中有淡井。莫道妖草多，仙茅產庾嶺。
一日記一豆，紅豆摘滿筐。樹頭豆已盡，相思日正長。
白雨養我田，黃雨害我稼。願逢屢豐年，賽神五羊下。

詠竹絲扇

龍皮鵲翅分低昂蒲葵價重東山莊海南新樣出女手
金刀割竹森開張煙絲霧縷不知數根株則一網挈網
丁香油膩玉版紙反覆流盼生輝光吳興蟬雀真秀發
雙飛蛺蝶摹滕王春蘭秋菊交映帶乘鸞秦女雲霓裳
象齒嵌若玉塵柄玲瓏金線盤四旁如蟬鼓翼未歛戢
如鴈舒翮將翱翔銀鐙夜照晨旭射自有經緯藏中央
詎肯模稜甘屈曲儼諸團扇終懷方良工心苦名曰寶
丹砂小印留微茫炎曦失勢溽暑退蒼蠅僵臥蝸走藏
蕭家之奴鄭家婢動搖書幌松風涼鄴中九華同鈿盒

山陰六角借巾箱西京便面製已荒誰從五嶺搜精良
桂海志內器未詳含毫索句爲補亡清颺永永揚芬芳

調南海神廟一百韻

涵天溟漲百粵東瀾漫泝滃浮龐鴻近與日本琉球通
暹羅一髮青迷濛古城呂宋遠靄籠浮沈出沒蛟涎中
海墘古廟形崇隆雕鏤棖栒碧映彤屏張屈戌嵌玉璫
罽毼耀日黃金鍔庭蔭松栢兼梧桐龍蛇畫壁流春淅
昌黎碑版蠹蟲穿有神爵貴踰三公千年保障憐羣蒙
膏腴萬畝波勿攻民居安堵百福總射潮不用錢鏐弓
胎生卵息水族洪代天資化庖廚供餼騰煮海紅雲烘

利周鼎龜神罔恫神之去兮駕兩龍祥飈閃爍靈旗熊
巡行洲澳職靖共下視商賈干櫓冲東達朝儷齊魯封
流沙西渡波濤洶入閩三折聲颯颯遼陽往復春歷冬
平舟穩舵人無恟謳歌咸戴神幷幪中有彩鷁如飄蓬
陸離直繼波斯蹤渾天儀製軒轅銅漏壺箭捧金衣童
驗時辨刻規矩重酒器百巧呈玲瓏爲舟爲馬爲鳴鐘
靈機旋運奪鬼工織毛組羽鮫女縫七襄鴛錦龍綃紅
沈檀蘇合浮香濃珊瑚七尺誇石崇玻璃黛椀鏤芙蓉
夜珠照乘氣似虹紛紜襍杏筇笈寶充庭列陛臨
重瞳惟神呵護來無窮鯨鯢久靖島息烽沿流妥帖排

縹腫分哨會哨部伍忠神爲鞭策無踈慵童男尹女靈
未終須與導至蓬萊峯金銀臺上讌赤松六鰲背負山
龍嵒琴高戲水魚唵喁來朝走馬還故宮神之來兮景
曠曠肥遺罔象恍惚逢森羅鬼怪執戟雄夜叉喫血頭
豎樓巫簫社曲喧邨翁馬援銅鼓敲鼙鼙舵師佑客禮
拜恭黃蕉丹荔琥珀醲花磚鷄骨卜吉凶肩摩踵接聲
聚峰

國家歲祀牲犧隆聿逢慶典加虔豐六師撻伐平西戎
帝曰都哉宣朕衷春帆細雨來使柳使敬告神神鞠躬
謂釐海甸臣祝融未能執爨効微功雨露寵錫驚曠壘

手招陽侯觀禮容馮夷尾入天吳從醉飽舞蹈歡怵同
天威咫尺肅且雝迨遙望闕三呼嵩我肯盱眙策短筇
嶽瀆廟內神明聰玉旒驚冕垂華蟲徘徊廣廈聞鐘鏞
支祁鐵絙橫復縱湯湯洪澤濤撞擠廿年驚悸搖心曾
况今淇澗川所宗扶胥赫濯神膚庸乾端坤倪雲翳空
沐日浴月光冲澗豁達眼界開昏瞶海晏作頌時熙雍
淋漓染翰元氣充豈類甕牖噓螭螭從茲破浪乘長風
扶搖萬里鵬飛翀

峽山寺和梁瑤峯觀察原韻

求仙帝子依峻峭斗宮丹竈今無徵蓬萊海水幾清淺

安知深谷非高陵，眞俊師招大神力。飛來紺殿人爭稱，
但開靈山石善徙。那知古寺雲可凌，風鈴琅璫香未斷。
白象夜走狻猊騰，文殊影在煖翠裏。禪房一一嵐光凝，
我來賈勇丹梯登。手撥蘿薜攀蒼蒸，青霞繞足雲摩厝。
搜奇肯說吾無能，高崢長嘯低丁膺。驚禽駭獸竄且升，
峯頭息喘虬枝憑。扶幽眼疾如秋鷹，仙都佛國恣飽飮。
舵樓退坐神驕矜，平生慣著謝公屐。良遊恥挂香山藤，
黃頭細叩陟險處。聞言未半先凜兢，風光磨洗客中笈。
頓覺詩卷煙霞增，天涯嶺表儔侶少。喜逢吟社雙良朋，
謂瑤峯觀察暨炳也學使分牋刻燭豪未減。忘卻短髮垂鬢，誓天藏。

靈奧在粵嶠印山悔買江南僧潭心月上萬籟靜恍對
香閣長明鏡

題徐素蘅龐蕙纒二閨秀詩後

掃眉才子玉臺英入斗平分慧業成豈蕊書窗人競麗
琉璃硯匣句同清紅鴛錦織簪花影青女香吹鬪雪聲
怪道江南驚紙貴春風傳到五羊城

題畫竹

誰與善貌平安竹驅得煙雲翠盈幅吟鐙相對影動搖
虛壁蕭蕭滴寒綠渾疑振舵過瀟湘還領春風到淇澳
昔聞嶰谷生幽篁軒轅制器吹鸞鳳咸池雅奏律呂協

雙調元氣宣明堂蘭亭修竹天下重拂雲勁節排青蒼
沈淪巖壑歲月久對茲圖畫神感傷鄉園回憶湘湖左
兩版衡門萬竿鎖山濤載酒阿咸從林下清狂應輸我
南遊庾嶺訪梅花不見梅花竹猶夥枕椰榕樹互槎枒
醫俗惟憐此君可君不見文太守管夫人淋漓墨汁中
有真今人未躡古堂奧節目亦復含鮮新穩待參禪
玉版何須看竹投芳鄰煙梢露葉垂七尺爲余一掃風
中塵

東鄭誠齋宮坊四首

豐湖煙隔水潺湲目望星槎去未還

時鄭校士惠州

霄漢錦雲

清國山房集 卷三
量玉尺皇華

天使駕仙班題襟舊統三湘月酒眼初開百粵山高詠
有人傳白鶴瓣香知在大蘇閒

珊瑚樹精華鐵網盤公明譽滿故人歡溪中靈石連雲割
海上奇文擁几看書帶有香原屬鄭潮陽無士不尊韓
要觀蜃氣蛟涎外迴得狂瀾萬頃寬

車笠交情辨古今嗟余萍跡總浮沈人辭燕市唐花久
夢隔揚州璧月深赤手竟無持戶策半生多悞好名心
常懷舊雨柴門下幾對寒梅擁鼻吟

嶺表南來嫩荔枝敦槃重會權新詩秋鐙逝感迷離夢

黃絹題成絕妙辭

余笈中攜有亡女秋鑑夜讀一卷會索鄭題詩甚工

九曜新

晴雲汗漫五羊微暑燕差池塵心頓負羅浮約應被煙

霞笑鬢絲

鄭嘗訂余遊羅浮不果

過觀音巖同瑤峯觀察賦

青脚插大江千仞石骨竦上有雲霧糾下有波濤洶淨
土竇蓮生諸天法輪湧佛髻青堆螺巖泉白懸潼幽峭
割楚巫雄奇奪秦鞏高僧屢傳鐙騷雅時接踵能令詩
膽張不作吟肩聳喞聲猿狖通旛影魚龍拱暮色來蒼
蒼雲壓帆勢重水月兩空明滿漱天花擁

金塗塢和張橘田

珠簾寶界瞻維摩內幢外刹形嵯峨浮圖七級峙深院
香雲繚繞流曼陀五朝昏濁日色瘦封狼世毒揮天戈
年稱大寶竊帝制九牧三品供蒐羅空王崇奉淨明域
黑金鎔範人摩挲蟲魚篆擬石碑版字畫妥帖無偏頗
寶蓮千瓣各刻劃上柱國及官中娥昌華舊苑鄰佛宇
林花錦織天孫梭獵火思探越裳雉簫臺偏有江南歌
紅雲宴罷二瓊死零煙碎雨遺釵多牛羊驅到美人墓
龍津無艇穿菱荷二十八寺魚磬少突兀膾鐵撐庭柯
降旌雖墜刀剋免福田宜種良非訛後貌一睡八百載
風鳴老壁搖藤蘿昏黃月上僧語寂仰見銀漢流清波

宋楊太后陵

江皋月黑東甌天，猗蘭下走悲風旋。
扈嬪倉皇三十六，城隅墮舄洲遺鈿。
閒關忍死水鄉畔，心驚晏駕魚龍川。
周家少帝魂亦苦，乘除漫說天無權。
雲澳梧楸青澳竹，杜鵑南向厓山哭。
網得魚來剖魚腹，中有流離趙氏肉。
金鐙無處照珠旒，黃土誰人瘞脂盃。
臨安問寢舊龍樓，知有狐狸上春崖。

泊鷗山房集卷二十三

會稽 陶元藻

詩九

五層樓

尺五天低接畫梁飛簷屹屹鳥迴翔趙佗塚外山光紫
陸賈城邊海氣黃蛟室墟雲連大庾鯨波浴日到扶桑
仙人未改樓居好笑口重來叱石羊

寄懷齊次風少宗伯

蒼蒼萬松嶺蘿屋雲爲椽吟聲發林樾鐙火影崖懸
懷天台叟著書屢忘年山房布講席高座扶風連生徒

踵相接藤笈歸者千撐腸羽陵盡所叩如決川茶鑪兼
藥曰羅列繩牀邊偶憩松下石一聽風中泉城市雖不
遠懶與塵爲緣出山復入山世味何蕭然我嘗曳芒屨
踏破松逕煙秋根坐展卷古綆修共攀微雨湖上來寒
翠生林端河梁一揮手遠道思漫漫鱗响截江水尺素
魚難傳孤斟客窗酒對此琴無絃

咏通草箋酬吳雲巖殿撰

十樣鸞牋巧不如冰綃霧縠翦裁餘影分蟬翼經秋後
光動雲衣映月初指爪偶拈鶯薄膩墨痕微沁愛清虛
吳融賦就瀟湘雪好作銀鈎妙格書

六如亭

斷石闌干薜荔垂，夕陽亭外認荒碑。
春風吹綠朝雲墓，一路空山叫畫眉。

題韓文公廟

佛法西來試諫官，陽山舊夢可追歡。
于今潭水魚常靜，終古藍關雪尚寒。
風捲靈旗迎社火，城喧蠻鼓薦春盤。
髯蘇碑版誰爲繼，自拂苔花仔細看。

遊光孝寺用杭堇浦太史原韻

燕北又嶺南，車鞅疊幽輶。
偶投大覺林，彌天法輪潤笑。
口彌勒尊迎客到門闥，崇閣啟琳宮。
舍利光照骨文殊。

近普賢肩並蚤與蟹借彼鐵拄杖支此石頭滑擺脫六
塵根意樹詎有芟戒壇灑天花人在妙香窟津梁我亦
疲三歎羨臥佛松寮度鐘魚清響振林樾新綠庭蕉多
詩思忽觸撥壯年作賦勤筆力勁箭筈困躓心易秋感
此種種髮結習在吟咏抽穎智珠竭稽首人天師禪理
聞考核達摩已西歸寶井空剗刷六祖雲髮灰經庫盡
崩闕降王虐南交金槍乃雙屹可憐民脂膏狼籍猶唾
沫中涓列姓名歷劫字不沒慧劍誰重磨剗去偽漢碣
菩提樹交柯濃陰互盤屈消暑跌團蒲不宜又誰曰清
涼界且陶熱鬧場姑歇茶沸折足錯乳泉甘勝醞鈴語

風飄蕭殿角挂微月諸天夜沈沈旛影流雲拂

觀煮海二十四韻

巨浸溇涵濶蠻方斤鹵彰作鹹修貢賦殖貨代耕桑萬
竈雲屯密千村蟻聚忙積薪燔日月驅海煉陰陽燄逼
鮫宮赤煙騰蜃氣黃網緼水火濟變化鬼神勤蟹眼翻
星動龍涎擺浪強似燒銀入汞勝煮石爲糧濃郁炎蒸
久礪礪開沸狂展雲三素出繞電六丁將玉屑刀誰削
銀沙斗可量有風常落霰非露竟成霜賈舶商帆底魚
租鴈稅旁易茶歸遠峒黎人多以茶易鹽載雪過重洋爨焚通
南詔牂牁達鬼方餘滋到梧桂分潤及沅湘洪範經綸

著周官擘畫詳庖羹調六膳女饋沃三漿瑣屑和軒脯
續紛襍芥薑商賢思傳說漢政罵宏羊不識熬波苦休
誇辨味良編箐塗碎螭範鐵架危梁操作盲風舍摒擋
烈日場莫忘民力瘁徒羨海泱泱

紅豆四首

風落殘脂滿地芳望夫山下拾盈筐空林啄響憐鸚鵡
深院啼魂伴海棠記日細投金縷盒助嬌新綴玉釵梁
守宮砂影分明在月冷長門夜更長

映來桃帕色模糊自拭瑛盤錯落鋪壺底有春留血淚
樓東無夢感珍珠飄零豔質空相待宛轉芳心本不殊

幾許離懷情一掬豈關惆悵是蘼蕪

分得羅浮鶴頂姿芳名端合字紅兒停鍼錦上微唵處
攤髻燈前獨坐時南國自應多別恨春風何計慰相思
那堪碎雨零煙後重憶前緣到舊枝

清絕王維五字篇黎姑蠻女兩纏綿如將寶鴨星星火
滴盡華林楚楚鶻耀手動教花並照盟心密與石同堅
從頭細數東風恨拋卻紅顏又一年

遊七星巖

天帝殷見羣神期星精抃舞白玉墀失腳一跌七雄墜
雷車轟訇驚地祇日君月妃援不得雲師下救相追隨

魂升故躔魄附土瘦削骨相形支離玲瓏嵌空多古色
丹霞高抹蒼煙披看山須得相馬法骨不勝肉安能奇
南交荒裔真賞寡影形顧盼相獻歛或云此是北斗數
厥數不紊狀則疑當屬天狼逐房駟牽牛南來飲玉池
位西鋒銳似鷄首圓者河鼓覆者箕其中一山橫亘野
餘青搖曳揚酒旗隕宋惟五加以二變災爲福守四維
乾坤闔闢互撐拄靈威呵禁夸父移登登憑憑築山址
鳩工大剗琳宇基金銅鑄出千億佛龍天八部圍牟尼
旁有哈訝兩巖穴昏黑每恐蛇虺欺以火來照見靈怪
黃鵠朱鷺飛雄雌又如虞廷舞百獸狃獠狃狃狃狃狃

笙竽鐘盃廣樂器
楹幢旌蓋朝天儀
珠璣玉珞紛掩映
垂滴乳竇凝成飴
肇窠字鑿李北海
抉剔奧衍揮淋漓
餘子題名未碌碌
筆墨飛動鱗之而
足根青蒼裂一綫
下乃大腹空洞之
投石格格不到水
俯耳伏聽到已遲
石言於我君勿怖
乖龍受謫神寘斯
偃僂步出土囊口
仰見突兀雲扶持
蕊珠宮中玉虛府
峭壁倒挂紅琉璃
羊腸裊繞偈仄逕
蹇僕接手枯藤支
天門第二更陡絕
性命倏忽鴻毛時
少年膽驪善陟歷
如猱升木人莫追
今晨蹙躡喘未罷
臨風三歎吾其衰
僧云佛爐比御鼎
且指且視光爛曦
河源茶香燒梢柚
更能煨芋瘳我饑

豁然脚底瀝湖大雙眸磨刮南金鑿蒼梧之山隔湖起
融青潑綠奔透迤城闌市井貢萬狀朱碧不爽毫與釐
回頭細數山點點踞其高者餘可遺三星在天去尺咫
珠聯五緯低照伊天孫下窺乞雷斧支機不得蹙兩眉
帝女將填海波濶若無巨嘴銜塵屨賀乎曾羅二十八
盍驅七曜添詩脾庚辰仲冬余與梁瑤峯觀察同遊七星嶺綜觀前輩留遺之句七古惟枕董浦太史作最爲清勁余因亦賦七言一篇梁甚嗟賞云枕作通肖工部若作統似昌黎吾當仿供奉體裁另樹一幟今余觀梁作並三復枕詩學李杜者誠李杜矣而所謂效韓者無有也豈獨畫虎滋愧哉

端州夜泊

水宿更風餐浮鷗天地寬
撚髭芟昨詠支枕駭迴瀾
舟

市懸燈亂江城閉月寒誰知故園夢此處報平安

閱江樓

灘水塗仍遠松臺跡未消波聲分向背山色異昏朝木
落天空濶鼉鳴岸動搖澄江真似練重賦到高要

山行

頗愛山行趣端州煙靄邨水清魚影瘦谷暖鳥言溫十
里樹圍屐幾家花隱門吟成橋畔石他日認題痕

聽演長生殿傳奇口占四絕

香汗風吹日午天口脂紅惹玉魚鮮頗黎碑裡花微笑
人到華清第二泉

月洗芙蓉水殿開，輕羅小扇共徘徊。
隴山西去紅鸚鵡，曾聽長生私語來。

玉骨潛封蔓草荒，飄零錦襖在何鄉。
傷心只有高蹀騎，指點青山語上皇。

淋鈴秋雨夜纏綿，斜谷驚聞路幾千。
一曲張徽腸欲斷，不勞天寶訴龜年。

端溪舟中

巴蜀天遙一道通，漁莊西畔酒村東。
禽聲兩岸溪山綠，如此風光在客中。

過端溪觀採硯

香洞虛涵萬壑春
蛇行水府割雲新
世閒爭寶端溪石
展到殘山有幾人

羚羊峽

寒漲西來勢若奔
雲根交束激波痕
船頭無數青山影
照入江流下海門

過白沙岡訪枕榔亭舊址

枕榔亭入野人家
終古平岡字白沙
昨日披裘今日葛
攪霜風裏見榴花

題一鑑亭二首

風日籃輿到郭初
草亭清景似吾廬
迴廊行盡芭蕉影

伯鵠山房集卷之三
細數堂堂策策魚

蘿根芹葉水雲閒
風皺靴紋浪一灣
尤愛晴峰煙樹末
夕陽粉本大癡山

懷石湖先生

四海相知幾子由
五年離緒等浮鷗
貧而無諂天休怨
壯不如人鬢更秋
自識蘇秦羞洛下
終教阮瑀重陳留
絳衣一片齊雲遠
莫使相逢竟白頭

寄示兒子廷珍

種秫偏輸下澗田
號寒憐汝臥青氈
庸庸自可邀奇福
了了何須競少年
秋盡關河雙鬢在
心懸風雨一經傳

草堂分寸陰還惜耐取庭槐綠影圓

三河曉發赴端州

邨鷄鳴曙光青嶂赤日大激射迴塘深潭煙活初破流
風碾微瀾滉漾淨難唾柔櫓搖空江白鳥飛一箇水東
舟且西影如蟻旋磨望望端州山閒支隱囊坐

遊鼎湖山過慶雲寺觀瀑布泉而歸得截句十首
雲木天連積靄閒舟人指點有禪關飛帆影裏偏停屐
不許青山獨自閒

平時行盡入嶙峋無數荆關畫障新夾路聽禽兼聽水
萬山深處一詩人

海國山房集卷三
夏夏肩輿鳥道登維摩覺路繞金繩溪山見慣渾閒事
愛煞盤空樹九層

高閣慈雲到眼初龍泉地近更清虛入山不說軒轅事
恐有人閒未見書

拂帽林花罨服藤窠搜獨往恨無朋白雲一片衝巖起
遮斷山門掃葉僧

筆床茶竈許相攜兜率天邊選石題院院木犀香不散
一鐙微火夢曹溪

珠旛沈沈人語稀黃金垂索鳥退飛寶蓮界中翻着襪
清磬一聲雲滿衣

趙州衫挂影堂低，猶盼師歸隻履西。
法雨能教金布地，重開三十六招提。

面壁空亭日色微，雷轟驚瀑濺人衣。
炎州漫道冬無雪，都向丹崖百丈飛。

欲作伽藍護梵臺，塵心未斷又相催。
鐘聲已遠頻回首，知有芒屨幾度來。

思親

趙北燕南歲月深，粵王臺上復登臨。
未遑將母緣何事，豈不懷歸忽到今。
菽水艱難空自疚，春暉遲暮倍關心。
無由一捧毛生檄，細檢南陔剪燭吟。

聽顧秋亭光祿彈琴

古調蘊餘清冰絃大蟹行幽懷一峯對春氣滿江生微
注欲無響罷彈猶有聲成連遇官閣不用刺船迎

同羅塏夏徐耕塾張橘田遊海珠寺

靈洲鬱水注滔滔蓮葉雖輕未易操深樹隔樓僧語細
寒潮落渚寺門高朋聯酒社會三笑佛睡江雲定六鰲
止靜卻成防險地取教花雨護弓刀

夜泛

月色淡亦佳江聲靜彌妙撲撲暗蟲飛颼颼晚風峭俯
聽寒飭鳴仰見遠山燒篷窗駐吟鐙船尾置茶銚滄浪

煙水深盍事任公釣

郭外

千家郭外水漪漪，山簡時來倒接籬。
村婦草縈金齒屐，番船風颭海綃旗。
秋無苦雨看花好，南有嘉魚入饌宜。
莫謂衰翁作詩瘦，猶能談笑卻熊羆。

晚眺聯句

前山靜堆藍煙色，拱高榭半規紅，隱峯

陶元藻

暮靄蒼凝

架卷岫片雲閒，投林獨鳥下寒樵，落巖

梁國治

清梵出

龕舍牛羊村巷歸，帆席塘坳卸漁罾，

元藻

蝦艇駛

撐駕暝浦蚊蜩沈，番市泉珠訝蜃起，

國治

潮迴海

門瀉大波混天痕殘虹抹林鱗城鴉棲未安

元藻

街柝禁

無咤廣筵盛平泉遐景競元灞射覆肅分曹

元藻

脫帽酣

舞蔗三雅飲孰豪五字戰誰霸襟期朋舊真

元藻

壇坵聲

名藉高言晴雪清健筆長鯨跨花氣入簾深

元藻

竹露滴

衣乍危欄影自疑老樹聲可怕明鐙散樓臺

元藻

古鼎藜

沈麝論心勝飲醇砥學如嗜炙斗祿竊誠慙

元藻

寸陰買

無價君忘案牘勞我得風塵暇汲綆古難償

元藻

秉燭晝

可借杯深罰逾嚴韻險鬪寧罷聯吟擬孟韓

元藻

清思企

鮑謝月淡青松梢星河耿良夜

元藻

藻

食鴈鵠

指動關頭朶鸞刀報切新淺斟消野味小飯戀山珍魂
斷黃陵路聲遙苦竹春加餐風雨夜勝啖漢南鷄

寄贈蔣承炎

天生俊逸才弄墨多穎致京華謁選人遂以副車始彈
冠卽挂冠三仕竟三已鳴琴非所榮抱關亦何恥傾心
獨賢豪餘子不挂齒人閒事不平若已撻朝市拔鞘諭
干將仇頭請試此豈真游俠流肝膽固如是我與君家
隣卅角競書史閩粵各饑驅魚雁無片紙今君已二毛
百歲焉可恃胡不打包歸湘湖應知止三月尊絲肥八
月鮓尤美我亦懷若耶煙艇思再理

西洋鏡屏

菱花不產金銅壙挂壁寒生到衣桁冰雪聰明老畫師
虛中烘染離奇樣非綃非縠隔毫芒爲影爲形乍難狀
秋痕一綫指不容萬里斜看勢奔放峩舸大觚天末來
箭激危檣破高浪小姑扶柁大姑橈紅頰長眉兩相向
璫犀插髻耳擢珠倒影雙花動春漲門千戶萬城郭開
霧閣雲窗映仙仗天風磨颭芙蓉旂黃犬神牽過煙嶂
前村夜市簇華燈錯落明星海門上蓬頭番鬼立自趨
蟻逐蜂屯絕依傍陽烏汨水陰兔升老魚垂頭瘦蛟仰
偃師狡獪怒君王地獄圖成駭變相飛鴻爪印雪泥空

汗涸入清漾芥子須彌恍惚逢大光明界蛟龍藏
寄懷內子

滿庭榕葉子規啼夢轉家鄉醒又迷歎我久荒京兆筆
笑君長類太常妻調羹勉奉高堂膳課子勤催午夜雞
何日歸耕同盍餉鹿門山北霸陵西

詠懷三賢詩三首

張九齡

渾渾曲江金鋒稜亦時露承平翊天綱鎮靜維國步不
受宮奴欺甘櫻惠妃怒凜然叱咤聲真氣溢堂阼金鑑
呈千秋深衷寄毫素雖爲祝嘏辭中有格心句孽伏幽

州先然犀燭陰霧天將顯汾陽力諫主豈寤天寶成賢
才誰媿此風度

陳憲章

姚江與新會旗鼓張森森廟廷遞升降講席雄古今我
登碧玉樓天書絢儒林徘徊不能去道岸高雲岑駕彼
兩輪車終歲相追尋足到目亦及妙旨開瞽瘖插花盈
古帽策杖成孤吟日歸春陽臺喬木垂陰陰滿江魚躍
趣俱入光風襟所以舞雩樂克契宣尼心讀書不曠達
見道猶未深

海瑞

嶧陽千尺桐不扶原自直龍淵百鍊鋼屢用勿摧抑閒
氣蟠瓊崖臣範得矜式南平頭角初長揖便孤特詮曹
日生芒恥類蟬隱默批鱗伏丹墀繞殿怒不息何由比
干誠竟邀英主識敝屣視一官湯鑊任頃刻封狼結陰
狸嘴賢常恐遺異哉黃中貴苦心轉相維霜飛豸府戟
風拂廉泉漪棺衾雖不備死者甘如飴昔有汲黯慙見
憚肅主儀誰知千載後吾道猶不移堂堂復堂堂氣盛
雲可披那顧人閒世尚有嚴分宜

漫書

閉戶渾如坐佛幢懸琴作侶影成雙多情祇有蕭蕭竹

卷之三
時帶斜陽綠到窗

貝多樹

老樹根移淨土中
童童青蓋六塵空
間來自拾階前葉
要寫楞嚴寄遠公

重陽

風雨重陽獨倚樓
寧辭杯酒對江鷗
南山應笑東籬客
又負黃花一度秋

旅舍中有一馬齒多且病賦詩憐之

支離瘦骨覆拳毛
櫛屢長吟氣尚豪
不死饑寒終遠到
未知誰是九方臯

題對弈圖

落子聲聞竹院閒，
紋楸坐對手談閒。
風流誰似羊元保，
贏得宣城滿郭山。

遊海幢寺

庭柯夾陰森梵境，
發清籟莊嚴古釋迦。
琉璃火相對崇闕，
大覺林龍象走光怪。
緬彼阿字師，夙悟紹真派。
布金徧祇園，江山作襟帶。
曲折循虛廊，瘦竹翠可愛。
秋階映花叢，風過香瑣碎。
伊余有髮僧，行腳三十載。
塵海茫茫，茫心鏡觀自在。
不有漫言無未顯，何須晦結習。
惟咏吟所歷，盡詩債。
舍利吐圓光，空際想三昧。
來喫趙州茶，飽

此香積菜掃除清淨根頂禮菩薩戒平泉木石移金谷
亦崩壞繁華等浮雲今古同一喟西江選佛場法兩衍
勝槩六祖闢曹溪龍華盛高會番禺甲東南琳宮海幢
最卓錫餘百年法乳傳未艾傑閣俯長川風濤弄清快
隔浦兩三峯深淺抹煙黛旛影自參差禽聲迭更代房
房綠秋蕉院院朗寒明髮髻雲門山詎乏道林輩三車
演可參十笏住何礙桂棹泛雖初蠟屐攜應再回聽上
方鐘夷猶水雲外

題林吉人先生硯史後

水雲如綿磨刀礫琢之切之珍拱璧以辭紀實詳且析

編成在筍遷固職誰其創此風雅格侯官老儒紫薇客
麝煤魚紙搨未乾使我展卷開心顏或圓而規方而矩
或作兔缺畱彎環大者離離廣盈尺小者參錯裁零紈
穎上蘭亭井甃出洛神版刻青琅玕鍾繇八分李斯篆
陳倉石鼓爭斑爛強半工成顧家婦幾回神往端州山
東西兩谷分伯仲造物精華聚中泐殘霞一抹淡欲無
轉精鷗鶴流波送蕉白青花相閒生無聲墨膩春雲夢
求新容易求故難新坑擅場老坑墜不是韜光屢避人
風塵恐抱知希痛硯乎硯乎垂此圖物畱人往生嗟吁
大書姓字五十八榮光四照蛟龍趨漁洋吟稿惟汝職

惟汝作賦傳星珠白頭未展經濟學抑塞骯髒何由舒
硯固有功亦有罪微言褒貶良董狐君不見劫灰影黑
昆池內銅雀臺邊及安在

遊黎氏園林

理棧來南村斜日照寒渡林塘愜幽懷榛蔓得微路禽
言答人聲竹色隨客步澹沲過江雲參錯蔽門樹短杓
危且行殘山綠堪住酒榭無笙竽琴臺有煙霧邇州訂
鷗盟秋根列茶具離離菊自芳落落石可數松影疊階
除潭光澹衣屨諷詠朝川詩沈吟小園賦秉燭宜及時
永茲邱壑趣

過何廸亭書齋觀顧二娘所製各種小硯

墓草春紫蛺蝶裙廣陵音絕許誰聞可憐深淺蛾眉影
照入殘山幾片雲

臘月五月初度偶成四律

四十無聞學已荒况增五載髮蒼蒼挑鐙怕寫秋蠅細
支枕常聽鬪蟻強詩卷江山應助我梅花風月倍思鄉
堂堂過眼雙丸影誰向壺中卜短長

關河魚雁信沈沈嶺嶠風吹陟屺吟種樹舊傳松蓋滿
箋經忽訝硯凹深已空人世浮生夢幾動煙霞小隱心
願祝多詩並多飲買山畢竟藉多金

滿百年華若可期，緣知義馭遠崦嵫。
數奇李廣侯無日，才盡江淹鬢有絲。
客路精神衰獨早，寒天醅酎醉偏遲。
支頤獨坐青油幕，老眼看山尙及時。

殘牙大嚼海盤新品字，柴温臘甕春健飯。
廉頗詎放廢典衣，司馬本清貧。
祇憐白酒黃雞會，都是千山萬水人。
蠟屐前途餘幾緡，好同仙侶守庚巾。

登廣州城樓六首

魚鱗萬井氣如雲，牛女精華掌上分。
諷草文章唐宰相，樓船弓弩漢將軍。
羅浮巨蝶傳靈跡，南海明珠紀舊聞。
仡仡崇墉鰲背起，幾回憑眺對斜曛。

童男艸女遠求仙又謫蛾眉萬五千滄海不誅徐福詭
蠻夷寧貶趙陀賢三關柝走强秦馬五嶺雲圍悍越天
終古恩深漢文帝不勞貔虎靖山川

地入南交亥步長祝融神轄到扶桑山高象郡連銅柱
水駛牂牁發夜郎瘴起每疑花市馥颺來先見海雲黃
卻從貝闕珠宮外指點江山話故鄉

嵯峨粵秀畫晴嵐風物猶堪握塵談翠釜香生三熟稻
紅鴛錦織入收蠶魚蝦艇至晨吹笛羅綺壇喧夜鬪柑
三十二邨花似雪酒旗遙引過河南

驪龍吐月照重街不盡繁華遣客懷番舶寶懸鸚鵡枯

春耕苔繡鳳凰釵柳雕香串連歌袂花結鎧毬作酒牌
一翦煙波海珠寺畫船簫鼓近秦淮

傳說陳園集弟昆東臯絲竹幾銷魂湖名蔬葉青浮榭
坊宇桃花赤護門酒舫已空波月影畫梁猶帶燕泥痕
南莊風雅今何在誰證鷗盟住水邨

月夜憶揚州舊遊二首

素月如規印碧空吟壇盟主憶盧仝藕花香裏鎧船酒
回首揚州一夢中

扶胥海上露華新那得笙歌畫舫春楊柳紅橋今夜月
阿誰重憶舊詩人

長征

天靳住鄉關長征老客顏風濤江海濶名姓薜蘿閒
殘夢如新別秋聲異故山何堪四方志酬與水萍閒

梁雲客歸里後有寄

落木經霜候書生失路心月隨孤棹遠秋入大江深
劃粥聊堪飽囊螢尙可吟毋將感慨泪輕灑少年襟

夜坐

海鷗應笑我片影自浮沈
簷雨鳴廊急鈴鐸護竹深
髮驚將盡臘書戀未灰心
百感茫茫集寒更起越吟